



# Boletin di ASFO

Volúmen 3, issue 6

31 di yanüari  
2019

E luna binidero aki **grupo 4** ta na turno pa trese kuminda, paña i ko'i hunga. Nos ta spera ku na final di luna di febrüari atrobe nos por yuda hopi hende ku tin mester di nos yudansa.

*Masha danki pa bo kooperashon!*

## Tema di luna: amor pa naturalesa!

### Den e edishon aki:

Tur luna den buletin nos ta duna un bista di e aktividatnan binidero di e luna aki:

- **Djabièrnè 1 di febrüari grupo 4** lo ta na enkargo di "maandopening" pa e luna di febrüari, nan lo tin komo tema: amor pa naturalesa! Bo ta keda kordialmente invitá riba plenchi di skol. E selebrashon lo kuminsá 7.30. OC lo sirbi kòfi i te.
- **Djabièrnè 8 di febrüari** tur mucha lo risibí nan rapòrt. Tur mucha a duna tur di nan parti i nos ta orguyoso di kada un!
- **Djaluna 11 i djamars 12 di febrüari** nos lo organisá 'rapportgesprekken'. Bo por inskribí bo nòmber riba e formulario kologá na porta di e dosente di bo yu(nan). Nos ta sali for di e punto di bista ku tur mayor lo inskribí.
- **Djaluna 25 di febrüari** tur alumno ta liber en konekshon ku karnaval di mucha.



Un poesia inspirativo tokante un "SUPER guppie" òf un "MEGA miertje"!

### Bo tabata sa ku:

- Paretjes tin algun lugá disponibel den e grupo hel?
- E prosedura pa inskripshon a kuminsá kaba?
- E muchanan lo haña nan rapòrt e luna aki?

### Nos ta deseá bo un luna bendishoná!



Apresiabel mayor(nan) i/òf kruidadó(nan),

Manera hopi di nos sa, sushedat i e konsekuensianan ku esaki ta trese kuné ta un problema ku ta keda bini dilanti riba nos isla, pero tambe na otro partinan di mundu. Nos di Albert Schweitzer FO ta haña ku nos no mester siña nos muchanan solamente kon pa lesa i traha matemátika etc, pero tambe mester laga nan mira e problemanan di sosiedat i siña nan kon pa hasi un diferensia den esaki.

P'esei nos komo skol a skohe pa organisá 1 luna rondó di e tema 'Go Green'. Nos luna di **ASFO goes GREEN**! Diferente tema i tópiko lo keda trata durante di e luna aki. Palabranan di tema manera por ehèmpel: reuse, reduce & recycle, pero tambe nos ta bai organisá un mèrdia di 'stèk i troka' i nos a invitá diferente invitado di honor ku lo bin inspirá e muchanan kon tambe por.

E aña aki nos ta organisá nos anochi temátiko den luna di **febrüari**.